

近代中國史料叢刊第四十二輯
沈雲龍主編

清道人遺集

李瑞清著

文海出版社印行

清道人遺集

二卷

佚稿一卷 擴遺一
卷附錄一卷

己卯孟秋譚澤闓敬題



Wed 10/10

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



清道人遺像



於鏢臨川載挺
名族藝隆三絕
會丁百六温腴
眸容悲憤飲腹
峨：黃冠式此
奇服

李文潔公像贊

年家子袁思亮敬題



李文潔公像贊

昭代陽九狂泉竟天學術奇度極為神姦公為人師
正學不遷一本難支大肩格顛龍幡屠錡鐵關
一時文武定不厚顏烏散獸穴爾化為雲烟公以書
生實張空卷大事竟之氣九涌山時古送後來談
來牽曲戟加頭佛鼎在右義不為活我何懼旗蜀文
竟脫盾口隱遯海邊刺上碩軍皇天所全者冠雀蒐
羽衣蹁躑英雄末路詩酒神仙偶也後筆風骨高
騫秦權漢石實相流先雪霄萬古羽儀燭焉讀
公遺文比子屈原謁公遺像靈風肅然
年五弟錢拯撰

題詞

造像題詞

門人張媛繪黃起鳳補景

狂是古狂仙爾去道猶常道夢何因山河甌已拚同破兩雪樓
終望不春酒縱唳迷酬故國天無龍見泣孤臣魂兮化鶴休
觸彭澤鄉風是舊鄰

吳昌碩

骨折心摧淚亦乾世人祇作等閒看猶能下筆風雷起便與臨
觴醒醉難著想何人到青史收身百計讓黃冠尋仙采藥誠知
妾海上風香或可餐

朱孝臧

赤子之心大人之度三古舒翔六經作注世欽其學我惜其遇
黃冠艸履豈志之素有墨皆淚孤忠誰訴天闕之山出雲吐霧
靈之游兮嗟嘆行路

曾熙

玉梅花盃臨古跋

沈曾植

李道士有祝希哲之書才豐存禮之書學肥炙豐膳飲啖如吸
川不屑爲山澤癯儒而論議顧視飄飄自有陵雲之氣其於書
道殆坡谷所謂墨戲爾發於醉飽之餘引毫濡紙惟意所適從
而命之曰某家某家而某家某家之肥瘦平險一一貢其真形
而靡所逃遁神仙家言張惡子蓋七十三化而老子化胡經有
十六變詞意道士有得於斯而示現諸墨戲耶自記納碑於帖
遜翁論旨劇不爾曰化碑爲帖可爾吾尤喜其題評小字居然
漢代木簡風味惟其似且不似不似而似關捩幾何請道士作
十日思其中有信以閱衆甫猶龍氏言之矣

吳昌碩

甲寅夏避暑申江海界橋北一客攜某盒李先生書冊示予予
大驚曰先生人品忠直吾知之先生樸學嗜古吾知之先生精
篆隸彝器磚瓦文字旁通六法舉世共知不特吾知也至先生

證閣帖之源流辨狂草之正變此吾不知而世亦罕知是冊取勢離奇終體樸茂其用筆甚生而得神甚活此豈皮毛從事於斯者所能髣髴耶予與先生朝夕奉手而不能盡知先生之始此不亦怪哉

胡思敬

余初見梅庵在京師松筠庵聞其不讀秦漢以後書甚奇之後同時廷對見所書試卷瑰瑋不可名狀劉潛樓謂字字如螃蟹蓋笑之也今見此帖秀者如妖韶美女壯者如勇士橫槊銳不可當乃知其於各書正變源流無所不備伏處海濱鬻書爲活距乙未殿試之時已忽忽二十餘載矣相對不勝於悒

清道人卜葬金陵哭以此詩

陳三立

樓壁車廂反覆看海雲寫影一黃冠圍城餘痛支皮骨辟地偷生共肺肝中外聲名歸把筆煩冤歲月了移棺帶陣新家尋藜

杖滴淚應連碧血寒

清道人畫松歌

吳昌碩

濤聲浩浩翻秋空破壁飛動來真龍
今龍化松時雲時雨青濛濛畫此者誰臨
川李玉梅花盦清道士三日無糧餓不死
枯禪直欲參一指我識其畫書之餘鶴銘
天矯龍門癭筆力所到神吸噓有時幻出
青芙蓉賣字我亦筆尖秃一日僅飽三餐
粥墨飲一升難鼓腹猶自開口笑向天羞
爲阮籍窮途哭手疲作畫輪蒼然氣象崛
彊撐南山大夫之封烏可攀參天黛色橫
斑斕

題李道士畫

譚延闓

道人昔寶南田畫燕臺示我同稱快
自言得此已傾囊俸錢賒畫家人怪後
來海上幾淹留忽聞易米同珠投入蟠
胸中出筆底本來遺蛻何庸收嗚呼道
人今何往書畫人間價徒長故人

東下載扁舟壓卷四幅成心賞怪石突兀黃山峯水村平遠天
春容洞庭歸來山盡赭偃蹇閱世留孤松我今對此懷前事正
見鍾山鬱雲氣平生高節抗古人頓還舊觀知不二艱難興學
有餘悲勞苦相慰何人知頭白經今二十載尚憶當日含毫時

貽李梅盦

夏敬觀

梅盦作書技稱絕點畫直造古人拙有時畫水還畫松墨花著
紙磨不滅北極山氣朝入脣噓出一片天光新齋鐘澈河五里
潤聖手去作薪傳人

慶春宮

受業

蔡

楨

松筠
上猶

丁丑孟夏同貢禾拜 李文潔公墓望祠堂不能至愴
然賦此並簡晉永章門

灰蝶旋堆紅鷓烘水野煙早過清明禾黍悲歌梅花孤夢墓門
坏土長肩半天松籟似依約山阿降靈高邱無恙憑弔重來荆

蔓縱橫 申江後別吞聲回首臨歧忍話衰徵桃李飄殘南雍
誰主舊時輪奐都傾滿堂絃誦慨塵世華胥易醒荒祠途阻斜
日歸車悽斷難名

慶春宮

受業 柳肇嘉 貢禾 丹徒

去年孟夏同松筠拜 李文潔公墓松筠賦慶春宮索
和卒卒未報今江南淪陷瑣尾流離遙望牛首不知
師墓尚無恙否校讀遺稿爰和其韻以寫我心

蒼闕摩空絳雲凝野江南又是清明桑海揚塵櫻風吹浪此驚
莫撼幽扃萬梅如雪遶祠宇千秋嶽靈幾時重展半山斜照雙
淚縱橫 圍城聒耳書聲拜命倉皇南獻堪徵翠墨寫哀黃冠
埋姓一朝家國都傾俯今追昔又墟里胡笳夢醒墓門春遠萍
梗天涯嗚咽難名

慶春宮

受業 臧 祐 佛根 江都

戊寅暮去

筠貢禾曰

故國梅香古庵

不掩重扇臨川

黯雲橫 無端

海市慣繞塊壘

未當時請學逃

清道人遺集序

清道人者吾友臨川李梅盦瑞清國
人棄庶吉士改候補道官江南久主
別多嗜古擅文儒之業稱盛矣辛亥
吏率散走總督乃索得道人攝充布
自矯持木印填撫倚一老胥治文書
終爲薦紳父老所扶掖遂辟居滬上
不識類聚保夷市競以臨危大節出
累數十儼椽僻區屢空且餓斃稍鬻
饒給卽海東鄰國爭擲重直購致之
哉道人肥碩健啖精烹飪意態溫溫
厭或狎視之無忤色至去就取子必
伏居數歲節概凜然尤於故君故國

志業疲奔走蹈艱阻不悔益自憇往者余與陳君仁先卜居鄰
道人每乘月夕相攜立橋畔觀流水話興亡之陳迹撫喪亂之
靡屆悼人紀之壞散落落弔影仰天歎歎死生離合幾何時魂
魄所依不能忘也道人旣書法號近古所爲文章亦然務摹太
史公書發舒胸臆有所刺譏狎侮欲以寄奇宕恢詭之趣與之
合他詩詞皆黜凡近評跋金石書畫尤精出然多殘佚今從子
仲乾及門人蔣蘇盦爲蒐輯授印列四卷嗚呼道人區區所存
糟粕耳卽以是揣道人一二於故紙而其聲情操行奉芳披藻
掩映光氣已不可謂非千載如生之清道人者已丙寅六月義
甯陳三立

清史稿列傳文苑三

李瑞清字梅盦臨川人光緒二十年進士選庶吉士改道員分江蘇攝江寧提學使兼兩江師範學堂監督宣統三年武昌亂起江甯新軍亦變合浙軍攻城自總督張人駿以下官吏咸潛遁瑞清獨留不去仍日率諸生上課如常布政使樊增祥棄職走人駿電奏以瑞清代之急購米三十萬斛餉官軍助城守設平糶局賑難民城陷瑞清衣冠坐堂皇矢死不少屈民軍不忍加害縱之行乃封藩庫以幣與籍屬之士紳積金尚數十萬也自是爲道士裝隱滬上匿姓名自署曰清道人弼書畫以自活瑞清詩宗漢魏下涉陶謝書各體皆備尤好篆隸嘗謂作篆必目無二李神遊三代乃佳丁巳復辟授學部侍郎又三年卒謚文潔

清道人遺集目錄

第一卷

賦

日賦

梅花賦 并序

秋月賦

擬宋廣平梅花賦 并序

春色滿皇州賦

詩

擬古三首

水仙謠

采蓮曲

瑤窗

詩首八 遺集 目錄

春日元配余梅仙墓下作

寶劍篇贈何靖

古松歌壽魏中丞

秋日湘上別曾熙

寶劍篇

春日胡瘦唐約遊碧浪湖作

題江建霞修圖書

詠柳

白日歎

桂林道中雜詠八首

滇南道中

寫點蒼山色寄陳梅根處士長沙

同沈鳳樓游後湖

雪夜集陶齋尚書寶華盒評碑

德畫師爲陶齋尚書造像

題碧桃雙燕

蓮

蘂

白梅

與郭欽廉別

感懷

題萬廉山畫屏臨劉松年幅

題萬廉山畫屏臨江貫道幅

題萬廉山畫屏竹塢鳴琴幅

題萬廉山畫屏幽篁古木幅

題洗桐道人山水

并序

題大滌子畫

題自畫梅溪便面

題唐吉生畫芙蓉游魚

題陳師曾畫冊

殘月

詠蘭

愁望

題徐文長畫白菜菜蔬

題許岑藏文徵仲畫幀

題王蓬心瀟湘圖二首

題漢宮春曉圖三首

畫佛

題閔孝子畫

題陳仁先菊花圖卷

獨立

題許幻園配宋夢仙夫人遺畫

題徐積餘女公子畫蝶遺跡冊子

爲朱大題海天夢月圖卷

畫蘭竹

壽梁節庵師傅畫松幃子

張子

鄧尉看梅悼逝

哭寄上人

題九秋圖

贈日本人某

題王一亭爲日人野水疏梅畫坡翁笠屐圖

題日本詩人蘇峯小像

左子異五十壽詩

題梁節庵崇陵種樹圖

甲寅閏六月自滬上還臨川至潯陽張峴堂丈止宿湖海樓明日燕集作贈兼呈同座諸子時吳劍秋新游廬山歸

從南昌歸臨川阻風於隋磯口一首

第二卷

書

報陶心雲書

與江霞公太史書

上端陶齋尚書書

與吳瀚濤書

與留美預備學堂諸生書

與趙次珊却聘書

與諸門人謝寄錢米書

序

兩江優級師範學堂同學錄序

趙仲攸夫子六十壽序

陳母富太宜人壽序

魏母吳太夫人六十壽序

喻星齋七十雙壽序

哈少甫六十壽序

李惺園醫經序

臨川廖氏族譜序

世界宗教會小引

頌

張孝廉爲母造經塔頌

并序

范榮祿府君祠堂頌

贊

汪作黼八十像贊

潮州郭子彬畫像贊

王母洪夫人贊

記

菜根香草堂記

沈母劉太夫人旌閭題記

娛園題額記

書後

書宗子岱山藏瞿忠宣公卷子後

書楊聞川黔游草後

書曲江手迹後

刻溪王芷湘家傳書後

書鄭大鶴山人尺牘冊子後

碑銘

清故處士鄭偉臣先生墓誌銘

并序

清故誥授資政大夫黃君之碑

清故吏部主事謝君墓碑

題跋

漢石闕拓本跋

跋漢五斗盞拓本

跋漢桂宮鐙拓本

跋朱丙君藏張猛龍碑

陶齋尚書藏瘞鶴銘跋

跋裴伯謙藏定武蘭亭序

跋王孝禹藏宋拓醴泉銘

米南宮多景樓詩墨蹟跋

跋謝疊山墨跡

跋趙文敏撫褚蘭亭卷子

跋董臨東方朔圖像贊

跋史閣部書蘇詩屏風

跋鄭叔問手書詩冊

跋陳根儒尊人寫金剛經冊

莊蘩詩女士書離騷經冊子跋

王上宮白描十八學士圖跋

大滌子撫宋緯絲畫跋

跋萬廉山臨古冊子八則

跋吳蒼碩畫彌勒像

跋王一亭畫魁星

跋唐吉生畫牡丹

跋自臨鄭文公下碑

跋自臨爨龍顏碑

跋自書篆

跋自作擘窠書聯

跋自畫山水四幀

雜著

節庵詩評

諸生課卷批

雜說

清道人遺集目錄終

清道人遺集卷一

賦

日賦

昔者漢武帝登明光之殿司馬相如侍時方夜半皎月在天長
樂未央杳窈窳寥幽不見陽須臾之間旭日東上照臨四海萬
象咸朗帝曰昭乎曜乎盛哉日乎君之象也寡人以之矣羣臣
皆稱萬歲相如獨笑帝曰子之笑豈有說乎相如對曰有帝曰
其如何矣相如曰日爲火精丙明離章昇景啓日幽煥昧光高
曜表德馳輝宣明四時以立晝夜以成其始出也浴于甘泉上
于扶桑麗天平轉周行八紘聿皇兮如騏驥之步也鴻網兮如
跋鳥之翔也燦朗兮膺華之耀丹消搖兮羲和正軌于中黃大
參天地功被黎民充盈乎大寓精微乎無倫不曲其照故無不
照也不私其神故無不神也驅雷而喚霧雨子而雲臣竊懸驚

而跳駭盜賊顧而潛身鴟鵂鷂竄莽伏榛天下失之則滅得之則存日被其蔭莫知其仁生養恩德不可殫陳至於孟冬作陰急景凋年氣栗烈而巖凝雲宵冥而瞽天雪紛糅于千里冰峨峨而山連風瀏慄而四起寒凜凜而莫宣疆場原隰之下崇巘隆隕之巔灌叢菸於邑而無色林麓搖落而實捐百卉羣木萎約沈鮮於是皓日照爛霽然陽開排黯黹而摘景騰清霄而垂曦燎燭天庭照曜九垓改凍釋冰出萌達芟翠葉布濩於蘅薄紫莖蕤蔓於蘭陂鬱葢蓋以奄藹蔚蔭楸而柅柅揚芬芳以酷烈舒朱榮于碧漪蜚英從風阿那紛披升玉堂而颺繡幄忽幡纒而威蕤禾黍懷新而油油新萸承暉而離離故上下四表宇軸之中蒙其溫煦沐其和融艸木蕃蕪山無枿童莫不怙愉闔澤熙已而慳懷若夫浮雲淹而汎濫晝露晷而翳日回焱肆其礪駭雷霆施其狂獮昆侖爲之隄堵滄海爲之澗瀟羌冥冥而

壅蔽闇漠漠而軌泐月撥明於日中星皇皇而失律狐狸晨趨
 於康逵虺虎日宿於魏闕魁雀厲吻於庭槐絜鉤長嗥於紫闥
 蛟鱠鯨鯢掉尾飛沫鳳皇颺忽而高翔麒麟磨電逝而假逸仰杳
 眇而罔覲頽愕貽而戰慄是以處其下者莫不繚悞悲哀欽欽
 燿燿也故曰炳其明煦其溫則天下君喪其明失其煜則天下
 焚帝曰善於是修德揚威握權符去權貴天下艾安流澤遠近
 海表鬼區罔不祇畏洪輝所播億千萬世

梅花賦并序

李子閒居隱几假寐夢游乎上帝之宮構以水精絡以流離出
 霄漢之上俛而視之雲氣青冥萬里茫茫岱華衡霍若丘垤焉
 帝飲以金露瑤漿且予之玉館于蓬萊之巔積冰峨峨星垂若
 甕月大於四馬之車輪回顧己身礪礪蚪繆忽化爲椽旣寤所
 坐猶向之處因感而賦之其辭曰